

Jahon va moliya bozorlariga oid sharh


23 iyun, 2025 yil



Bankni strategik rivojlantirish
departamenti

SQB, Ipoteka va NBU evrobondlarining daromadliligi (2025-yil 1 yanvar-16 iyun, Bloomberg ma'lumotlariga ko'ra)

UzSQB, Ipoteka banki va O'zmilliybank evrobondlarining daromadliligi, foizlarda




- 2024-yilning yozida SQB Londondagi fond birjasida xalqaro obligatsiyalarni joylashtirdi. Savdolarning birinchi kunida ularning daromadliligi 9,362%ni tashkil etdi.
- Mart oyida SQB obligatsiyalarining daromadliligi o'sishni boshladi. O'tgan hafta boshida daromadlilik 7,757% ga yetdi. Haftaning oxiriga kelib esa bu ko'rsatkich pasaydi va 7,652% ni tashkil etdi. Yil boshidan buyon daromadlilik 7,652% – 9,126% gacha o'zgarib turdi.
- O'tgan hafta NBU evrobondlarining daromadliligi 7,330% darajasida bo'lgan. Haftaning yakunida daromadlilik pasayib 7,212% ni tashkil etdi. Yil boshidan buyon bu ko'rsatkich 7,212% – 8,878% gacha o'zgarib turdi.
- O'tgan hafta Ipotekabank evrobondlarining daromadliligi o'sishni boshladi va 6,582% ga yetdi. Biroq, haftaning oxiriga kelib daromadlilik pasayib, 6,508% ni tashkil etdi. Yil boshidan buyon daromadlilik 5,962% – 8,533% gacha o'zgarib turdi.

SOFR va Euribor


AQSH va Yevropadagi banklararo kreditlar bo'yicha o'rtacha foiz stavkasi

SOFR dinamikasi




Yil boshidan buyon SOFR stavkasi 4,26-4,49% atrofida barqaror bo'lib turmoqda. Haftaning boshida SOFR stavkasi 4,32% ni tashkil etdi, haftaning oxiriga kelib esa u biroz pasayib, 4,28% ga yetdi. Bu bozor likvidligi va monetar siyosatdagi kutilmalarning o'zgarishlarini ko'rsatadi. Federal rezervning foiz stavkalari bo'yicha pozitsiyasi SOFR stavkasi darajasini belgilashda davom etmoqda. Siyosiy o'zgarishlar kutilmalari stavkada kichik o'zgarishlarga olib kelishi mumkin.


Euribor dinamikasi



Euribor kutilganidan tezroq pasaymoqda. Yevropa Markaziy banki foiz stavkasini tez sur'atlar bilan kamaytirishni davom ettirmoqda. Buning sabablaridan biri – inflyatsiyaning pasayishi. Yevropadagi ko'plab ipoteka kreditlari bog'langan Yevropa banklararo stavkasi (Euribor) joriy haftaning boshiga kelib 2,036% (3 oylik) va 2,050% (6 oylik) darajalariga tushdi. 2023-yilning oktyabr o'rtalarida foiz stavkasi 4% dan oshgan edi. Euribor stavkasining tarixdagi eng yuqori darajasi 2008-yilning qishida qayd etilgan bo'lib, u deyarli 5,5% ni tashkil etgan. Yil boshidan buyon maksimal ko'rsatkichlar 2,685% (6 oylik) va 2,789% (3 oylik) ni tashkil etdi.




O'zbekiston Respublikasi valyuta birjasidagi savdo hajmi, mln dollar



- ✓ O'tgan hafta valyuta birjasidagi savdo hajmi **531,8** million dollarni tashkil etdi, bu o'tgan haftaning savdo hajmiga nisbatan **690,1** million dollarga kamroq.
- ✓ O'tgan haftaning boshida milliy valyutaning dollarga nisbatan maksimal kursi **12 712** so'mni tashkil etdi, keyin haftaning oxiriga kelib ko'tarilib, **12 760** so'mga yetdi.
- ✓ Har yili so'm o'rtacha **3,5-4,5%** ga devalvatsiyaga uchraydi, 2023-yildan tashqari (**9,77%**), bu holat Rossiya valyutasi devalvatsiyasi eksport tushumlari kamayishi va mehnat migrantlarining pul o'tkazmalari bilan bog'liq edi. Joriy yil boshidan buyon revalvatsiya **3,16%** ni tashkil etdi.


Dollarning so'mga nisbatan almashinish kursi



23.06.2025 yil holatiga ko'ra, aholi uchun dollar sotib olishda eng foydali kurs **Azia Alyans bankda** qayd etilgan – **12 540** so'm. Boshqa banklarda esa kurs **12 550 – 12 970** so'm atrofida o'zgarib turdi.




Aholi uchun dollar sotish bo'yicha eng foydali kurs **BRB bankda** qayd etilgan – **12 900** so'm. Boshqa ko'plab banklarda esa kurs **12 880-12 435** so'm atrofida bo'lgan.




- **Rubl mustahkamlanmoqda: dollar 79 rubldan pastga tushdi**

2025-yil 16 iyundan 19 iyungacha bo'lgan to'rt kun ichida dollar kursi 79,7 rubldan 78,6 rublga tushdi. Rublning mustahkamlanishi tashqi bozorlar vaziyatining yaxshilanishi, Markaziy bankning choralari hamda inflyatsiya kutilmalari barqarorlashuvi bilan bog'liq. Shunga qaramay, tahlilchilar pul-kredit siyosatini yumshatish kutilayotgani va tashqi iqtisodiy xavflarni inobatga olib, kelajakda o'zgaruvchanlik bo'lishi mumkinligini ogohlantirmoqda.



- **Yuanning kursi 10,4 rubldan pastga tushdi: rubl mustahkamlanishni davom ettirmoqda**

Xitoy yuani kursi Rossiya rubliga nisbatan pasayishda davom etib, haftaning boshidan 10,6 rubldan 10,4 rublga tushib, shu darajada barqarorlashdi. Rublning mustahkamlanishi uchinchi kun ketma-ket kuzatilmogda, bu esa ijobiy makroiqtisodiy muhit va Markaziy bankning mo'tadil pul-kredit siyosati fonida yuz bermoqda. Ekspertlarning fikricha, rossiya valyutasining mustahkamlanishiga asosiy omillar barqaror eksport oqimlari, xom ashyo narxlarining o'sishi va ichki bozorda rubl likvidligining kuchayishi bo'ldi. Bundan tashqari, yuan xalqaro bozorlarda ham barqarorligini saqlab qolmoqda va yuqori o'zgaruvchanlikni ko'rsatmayapti.




- **Yevro zaiflashmoqda: EUR/USD kursi 1,1543 ga tushdi**

Yevro kursi AQSh dollariga nisbatan barqaror pasayishda davom etib, 1,1543 darajasiga yetdi. Bu esa amerika valyutasiga bo'lgan talabning saqlanib qolishi va Yevrozonadan kelayotgan zaif makroiqtisodiy statistikaga bog'liq. So'nggi to'rt savdo kunida yevro deyarli 1% qiymatini yo'qotib, 1,1614 dan 1,1543 ga tushdi. Investirlar dollarni afzal ko'rishda davom etmoqda, chunki AQSh Federal zaxira tizimi foiz stavkalarini avvalgidan ko'proq vaqt yuqori darajada saqlaydi, deb kutilmoqda.

Asosiy xom ashyo tovarlari narxlariga oid tahlil

Oltin narxlar dinamikasi
(bir untsiya uchun,
AQSh dollarida)




➤ Oltinning narxi deyarli 4 yillik maksimumga yetdi

Oltinning jozibadorligi dunyodagi murakkab geosiyosiy vaziyat bilan bog'liq. Biroq, bu omil tufayli qimmatbaho metal uzoq vaqtdan beri qadrlanib kelmoqda va uning narxi juda yuqori darajaga ko'tarildi. Shuning uchun hozirgi kunda AQSh/Isroil va Eron o'rtasidagi mojaroning qanday rivojlanishiga oid noaniqliklar saqlanib turganiga qaramay, oltin narxlar \$3400/unsiyadan yuqoriga tez ko'tarilmayapti.

Shu bilan birga, statistik ma'lumotlar ko'rsatadiki, oltin narxlarining yuqoriligi Xitoyda oltin zargarlik buyumlariga bo'lgan talabni sezilarli darajada kamaytirdi. Bozorda esa oltin narxi yanada maqbul darajaga tushguncha platina zargarlik buyumlari uchun oltinning o'rnini bosuvchi sifatida umid qilinmoqda.

Brent nefti narxlar dinamikasi
(bir barrel uchun,
AQSh dollarida)




➤ Brent neftining narxi barreli \$77 ga ko'tarildi

Neft narxlar AQShning Eron-Isroil mojaroidagi ishtiroki bo'yicha rejalaridagi noaniqlik fonida oshmoqda. Yaqin Sharqdagi vaziyat bozor diqqat markazida qolmoqda. Investorlar mintaqadagi taranglikning kuchayishi va Isroil hamda Eron o'rtasidagi mojaroning kengayishi Ormuz bo'g'ozidagi kemalar harakatiga cheklovlar va neft yetkazib berishda uzilishlarga olib kelishi mumkinligidan xavotirda.

Donald Tramp Eron muammosini qanday hal qilish bo'yicha hali yakuniy qaror qabul qilmaganini ma'lum qildi. "Bu borada bir nechta g'oyalarim bor, lekin hozircha qaror yo'q va ehtimol oxirgi daqiqagacha ham bo'lmasligi mumkin. Chunki vaziyat o'zgarib turadi," — dedi u.

TTF gaz narxlar dinamikasi
(megavatt-soat uchun,
AQSh dollarida)



➤ Yevropada gaz narxlar oshmoqda

Niderlandiya va Buyuk Britaniyada gazning ulgurji narxlar Isroil va Eron o'rtasidagi mojaroning kengayishi mumkinligi haqidagi xavotirlar sababli oshmoqda. Hozircha mintaqadan gaz yetkazib berish barqaror bo'lsa-da, Ormuz bo'g'ozini orqali kemalar harakatining cheklanishi xavfi mavjud. Tun davomida jiddiy muammolar kuzatilmagan bo'lsa-da, Fors ko'rfazi mintaqasidan suyuqlashtirilgan tabiiy gaz (LNG) yetkazib berishda uzilishlar bo'lishi mumkinligi haqida xavotirlar saqlanmoqda. QatarEnergy kompaniyasi tomonidan ko'rilgan ehtiyot choralar mintaqadagi xavf-xatarlarning yuqoriligini yana bir bor ko'rsatdi, ayniqsa Yaqin Sharqdagi siyosiy tarangliklar davom etayotgan bir paytda.

Yangiliklar

Sberbank va Tinkoff Open API sinovini boshladi

2025-yil boshida Sberbank va Tinkoff cheklangan mijozlar guruhi orasida ochiq API (Open API) sinovini boshladi. Ushbu loyiha foydalanuvchi tajribasini yaxshilashga qaratilgan bo'lib, mijozlarga ikkala ilovada o'zining debet hisobvaraqlari va operatsiyalarini ko'rish hamda ularni bitta joydan boshqarish imkonini beradi. Loyihani 2025-yil oxirigacha kengaytirish rejalashtirilmoqda

Alfa-Bank fintech yechimlari sohasida yetakchi deb topildi

2025-yil may oyida Alfa-Bank Fortune Times nashrining versiyasiga ko'ra fintech yechimlari bo'yicha yetakchi deb e'tirof etildi.

Hakamlar hay'ati sun'iy intellekt, blokcheyn va mashinani o'rganish texnologiyalarining innovatsion qo'llanilishini, jumladan, AI tizimlarini kadrlar tanlash va avtomatlashtirilgan rejalashtirish jarayonlariga joriy etishni alohida ta'kidladi. Bu esa mijozlarga xizmat ko'rsatish samaradorligini 35% ga oshirishga imkon berdi.

ING NLP texnologiyalari asosida raqamli yordamchini ishga tushirdi

ING tabiiy tilni qayta ishlash (NLP) texnologiyalariga asoslangan raqamli yordamchini taqdim etdi. Ushbu yordamchi mijozlarga 24/7 rejimda bank masalalarini hal qilish va mahsulotlar bo'yicha maslahat olishda ko'maklashadi, shu bilan birga qo'ng'iroq markaziga tushadigan yukni kamaytiradi.

Nordea ovozli parol orqali biometrik identifikatsiyani sinovdan o'tkazmoqda

Nordea mobil bankda mijozlarni autentifikatsiya qilish uchun ovoz biometriyasi texnologiyasidan foydalanishni sinov loyihasini boshladi. Bu esa kirish jarayonini yanada qulay va xavfsiz qiladi